

## ■ PPCD GRISCHUN

### Per la vendita la dumengia en regiuns turisticas

■ (cp) Il cussegl federal ha decidì da re-veder l'ordinaziun davart la lescha da lavur. Uschia pon ins d'ussa davent tegnair avert era la dumengia centers da cumpra che servan al turissem internaziunal. La pcd dal Grischun beneventa expressivamain quella decisiun, avertescha dentant d'extender anc pli fitg il temp che las stizuns èn avertas la dumengia. Questa decisiun pussibilitescha la vendita la dumengia en regiuns turisticas, quai dentant be sut tschertas cundiziuns. Gist en connex cun la discussiun da tegnair avert il Designer Outlet Landquart vegn la situaziun sclerida e quel po profitar da questa regulaziun. Tras quest conclus, che entra en vigur l'emprim d'avrigl 2015, spera la pcd ch'i dettia ina clera basa legala per ils purtaders dal Designer Outlet a Landquart, per ils collavuratur, la clientella ed uschia da pudair segirar radund 400 plazs da lavur.

Al mantegniment da questas plazzas da lavur han ins dà la prioritad. Bleras famiglias èn ledas per quella pussaivladad dad in gudogn accessoric, sch'era per temp parzial. Ch'ils collavuratur survegnian in supplement per la lavur da la dumengia è giustifitgà e correspunda a la pratica – segund il president da la pcd grischuna, cuss. dals stans *Stefan Engler*.

La pcd suttastritga dentant deschartamain che questa decisiun na muntia betg in passaport d'extender il temp da tegnair avertas las stizuns en l'entira Svizra. Perquai beneventa ella ch'il cussegl federal ha formulà las premissas, tenor las qualas la vendita la dumengia duaja succeder. L'offerta sto sa drizzar tenor il traffic turistic internaziunal e la maioritad da las fatschentas haja da porscher principalmain arttgels da luxus (sco vestgadira, chalzers, accessoirs, uras, decor e parfum). La svieuta deriva principalmain da la clientella da l'exteriur. Il center da cumpra sto sa chattar en in territori turistic ch'è maximalmain 15 km davent dal cunfin svizzer u en la vischinanza dad ina autostrada cun colliaziun u staziun. Ils collavuratur èn da cumpensar per lur lavur da la dumengia cun sur il minimum prescrit.